

皇明從信錄

皇明從信錄卷十四

東莞陳建輯

秀水沈國元訂

已丑 永樂七年

正月遣中官鄭和領兵航海通西南夷封海神宋靈惠夫人林氏為護國庇民妙靈昭應弘仁普濟天妃建祠于京師之儀鳳門祀之

丘氏濟曰永樂初命中貴駕巨艦自福建之長樂五虎門鼓大海西南行抵林邑又自林邑正南行八晝夜抵滿刺加由是而達西洋古里大國分航徧往支國阿丹榜葛刺忽魯謨斯等處或曰亦為訪建文

二月車駕發京師巡幸北京命皇太子監國庶務惟文武除拜四夷朝貢邊境調發上請行在餘常務悉屬關處

其若中國  
運至環池  
千遠以攝  
臣民地玩  
之也聖  
宗師意率  
一好大之  
心可非哉  
其若中國  
運至環池  
千遠以攝  
臣民地玩  
之也聖  
宗師意率  
一好大之  
心可非哉

何憂之可  
謂而為此  
狂瀾之計  
哉

只不使有  
過便其駕  
小人地  
人之對

分、仍命吏部尚書兼詹事憲義、兵部尚書兼詹事金忠、右  
春坊大學士兼翰林侍讀黃淮、左諭德兼翰林侍講楊士  
奇、輔導監國。論義等曰：居守事重，今文臣中簡留汝四人  
輔導監國。若唐太宗簡輔監國，必付房玄齡等。汝宜識朕  
此意，敬恭無怠。因諭黃淮、楊士奇曰：東宮侍側，朕問講官  
今日講何書？對曰：論語。君子小人和同章。因問：何以君子  
難進易退？小人則易進難退？對曰：小人逞才而無耻，君子  
守道而無欲。又問：何以小人之勢常勝？對曰：此係上人之  
好惡。如明主在上，必君子勝矣。又問：明主在上，小人都  
不用乎？曰：小人果有才，亦不可盡棄。須常誡飭之，不使有過。

可也。朕甚喜其學問有進。汝等其盡心輔導之。於是命學士胡廣侍講。楊榮、金幼孜及戶部尚書夏原吉等扈從。○前忠誠伯除名茹瑺有罪下獄死。○會試天下貢士。取陳燧等一百人以。上巡幸北京。故未廷試。

三月北京行後軍都督僉事平安暴卒。詳建文註中○是月壬

辰車駕至北京。上登午門樓召胡廣等三人從。上曰

此處好看山。今日風沙不見。無風沙時來觀。下樓御奉天門。謂廣曰。汝初至此。未諳風土。食後不可卽臥。好生宿氣。身欲常溫。不可過涼。有汗不宜解衣透風。此間能致疾。朕居此久。故知之。廣三人叩頭曰。陛下念臣至此。天地生

成之恩。豈敢忘也。○都御史虞謙給事中杜欽奉命巡視兩淮。啓潁州軍民缺食。請發廩賑貸。皇太子遣人馳諭之曰。軍民困乏。待哺嗷嗷。卿等尚從容。毋請待報。汲黯何如人也。卽發廩賑之。勿緩。

四月給事中郭驥等使北虜。

閏四月擢兵部侍郎方賓爲兵部尚書。禮部尚書趙和傳奉聖旨。方賓授兵部尚書。今日便到任。蓋當時簡用大臣皆出親擢。公朝傳旨行之也。

按祖宗朝用人。皆吏部具缺聞。上親簡除。

至宣德末。二楊執政。

上親簡除。

正

統中王振用權。會推而實亦內閣與司禮監。隆主其柄。用人之得失。隨

所以繁

監閣之  
賢否矣

聖學心法  
書

法益精密

五月營山陵于北京昌平縣天壽山時 仁孝皇后未葬  
上命尚書趙雅以江西明地理人廖均卿等擇地得吉于  
昌平縣東黃土山車駕臨視遂封其山爲天壽山命武義  
伯王通督營山陵○賜 皇太子聖學心法書 上嘗採  
輯聖賢格言切於修身齊家治國平天下之要者爲書四  
卷曰君道臣道父道子道名聖學心法親爲之序至是刊  
印完遣人齎賜 皇太子○置邊城調軍勘合 上以邊  
戎調遣止憑勅書慮或有詐乃以勇敢鋒銳神奇精壯強  
毅克勝英雄威猛十六字編爲勘合

六月勅甘肅總兵官都督何福曰前命給事郭驥往使本雅失里爲所殺從行者亡歸言本雅失里阿魯台俱爲瓦剌所敗餘數騎奔竄臚胸河欲收潰敗之衆入寇此虜負朕恩戕殺使臣又欲擾邊罪不可貸爾且整飭軍士以待○命淇國公丘福帥師北征本雅失里以福爲征虜大將軍武城侯王聰爲左副將軍同安侯火真爲右副將軍靖安侯王忠安平侯李遠爲左右叅將福等陛辭上密授方略令慎行之

八月張輔兵至交趾敗賊衆於鹹子澗太平海口等處斬首數千溺死無算生擒賊黨僞監門衛將軍潘坻等二百

餘人獲船四百餘艘。賊酋阮世美、鄧景異脫身逃。○丘福等出塞與虜戰，敗績。福及王聰、火真、王忠、李遠皆死之。初，福率將校千餘人，先至臘胸河，遇虜遊兵，與戰，敗之。遂乘勝渡河，又獲虜尚書一人。福飲勞而詢之言，本雅失里知大兵至，惶懼欲北遁去，此可三十餘里。福喜曰：「可疾馳擒之。」是時官軍未集，諸將皆曰：「恐虜遣此人誘我，不可信。」且駐兵候諸軍俱至，先遣精騎觀其虛實何如。然後擊之。毋墮虜計。福不從，令所獲者爲鄉道，率衆直薄虜營，與戰，相持二日，每戰虜輒佯敗引去。福銳意乘之。李遠曰：「將軍輕信謀者，徑渡河，懸孤軍至此，虜故示弱，給我深入，進必不



連家驕逸  
張一三云  
是以集古

利。吾等陛辭時。聖諭諄切。戒以毋失機。毋輕犯虜。毋爲虜所紿。一舉未捷。俟再舉。將軍獨忘之乎。王聰亦力言不可。福皆不聽。先馳馬揮士卒行。諸將不得已。與之俱。旣行。虜衆奄至。圍之。遠聰率五百騎突虜陣。聰戰死。遠及福等並爲虜所執。皆死之。全軍皆沒。

九月。封甘肅總兵官左都督何福爲寧遠侯。時虜酋脫脫不花。王把秃。王賽因帖木兒。國公等官率所部來歸。上嘉其有柔遠安邊之功。故即軍中封之。○遣楊榮齋勅諭福曰。脫脫不花等旣來。而止於亦集乃。遲違日久。或致生變。爾可與楊榮計度。從長行事。須斟酌權宜。處之務在得

當○遣書諭 皇太子曰比遣洪國公丘福等帥兵征北  
虜以其久從征戰授以籌略謂必能任事乃冥頑馴悞違  
棄朕言拒弗衆論不待各軍齊至輕犯虜營安平侯泣諫  
不從同安侯不得已隨往皆沒于虜其損威辱國如此若  
不再舉殄滅之則虜勢猖獗將爲禍於邊境矣今選將練  
兵來春朕決意親征凡國家之事爾當慎重不可忽也遂  
命選兩京各衛及陝西山東山西湖廣屬衛騎兵共十餘  
萬各賜鈔給行糧皆以來年三月至北京隨征

十月命戶部尚書夏原吉議征虜餽運法。上曰工部所  
造武剛車足可輸運然道遠人力爲難朕欲以所運糧緣

途築城貯之。諒留官軍守護。以俟大軍之至。此法良便。於是原吉等議用武剛車三萬輛。約運糧二十萬石。踵軍而行。過十日程。築一城。再十日程。又築一城。每城樹酌貯糧。以俟回軍。仍留軍守之。如虜覺而遁。則躡其後。亦如前法。築城貯糧。上然之名。所築之城。曰殺胡平胡。○鎮守寧夏。寧陽伯陳懋。將兵敗虜于境外。詔進寧陽侯。○西域火州國入貢。其國東南至肅州一月程。即漢車師前王地。唐之高昌。○西域哈烈國入貢。其國東至肅州一萬二千里。即漢之大宛。○贊善王汝玉舞於皇太子前。論說賦詩之法。皇太子問楊士奇曰。古人爲詩者。其高下優劣何如。對曰。詩以言志。明良喜起之歌。南風解愠之下。

詩唐虞之君之志尚矣。後世漢高帝大風歌。唐太宗雪耻  
百王之作。則所尚者。霸力皆非王道。漢武秋風辭。志氣已  
衰。如隋煬帝陳後主所爲。則萬世之鑒戒也。殿下欲娛意  
文事。則兩漢詔令亦可觀。非獨文辭高古。其間亦可裨益  
治道。如詩人無益之辭。不足爲也。○皇太子覽其德秀文  
章。正宗羨其學識。純正楊士奇啓曰。德秀所著大學衍義  
一書。尤有益于爲治。皇太子取閱。太喜。遂命翻刻。以賜諸  
皇孫及廷臣。○上謂行在禮部尚書趙珩曰。北京天氣嚴  
凝。羣臣早朝奏事。久立不堪。今後朝見畢。欲於右順門內  
便殿奏事。爾與羣臣斟酌可否。於是珩同夏原吉胡廣等

議奏每日常朝。上御奉天門。百官行叩頭禮。侍班候鴻臚寺官引謝恩。見辭者行禮畢。駕御右順門內便殿。百官有事奏者以次入奏。無事者退。治職務朔望朝如常儀。制曰。可。命自十一月朔始行之。

十一月張輔追獲交趾賊首簡定于美良并獲其偽將相陳希葛阮宴等檻送京師。惟陳季擴鄧景異逃之。又安

詔舉通書史。

命吏部試之。時松江沈慶宣亦在舉中。吏部試撫四夷榜納卷獨遲。衆請斥之。尚書取卷閱其首聯云。詩曰。普天之下莫非王土。率土之濱莫非王臣。遂曰。是何可斥也。遂得

終篇第優等授山東新城知縣夢萱弱冠與同里莊公玘  
契厚能詩善草書

庚寅 永樂八年

正月張輔敗賊餘黨阮師檜於東潮州斬首四千五百餘  
級生擒二千餘人勅召輔還輔奏留黔國公沐晟雲陽伯  
陳旭等討餘寇而自帥師還京○簡定伏誅

二月朔 上將親征北虜命 皇長孫留守北京命戶部  
尚書夏原吉兼行在六部及都察院事輔導 皇長孫○  
是月丁未車駕發北京學士胡廣侍講楊榮金幼孜扈從  
○以親征胡虜詔告天下

三月大閱于鳴鑾戍。○車駕出塞至清水源其地有鹽澤  
、勿近水皆鹹苦不可飲人馬皆渴明日營西北二里許忽  
有清泉水湧出。上命取親嘗之人馬賴以給足賜名神  
應泉。○車駕次凌霄峯登絕頂望漠北顧胡廣等曰元祐  
時此皆民居今萬里蕭條尚敢倔強果何所恃哉因問廣  
等曰諸將此來不聞進一言何也對曰成算在上生火之  
輝何能上裨日月。上曰是何言也聖人有資于蕩蕩之  
言何況君臣之間古稱好問則裕自用則小朕有所行必  
盡衆人之情曷嘗專任一已以掩羣策。

四月車駕次玄石坡製銘勒于立馬峯之石銘曰維日月

明維天地壽玄石勒銘與之悠久○次長清塞夜南望北  
斗次潤澤海其水周圍千餘里幹難騰胸凡七河注其中  
五月車駕至幹難河元太祖始興之地也本雅失里率衆  
拒戰上麾前鋒迎擊一鼓敗之本雅失里棄輜重牲畜  
遁去

六月班師至靜虜鎮阿魯台復來戰上率精騎徑衝虜  
陣大呼奮擊阿魯台敗走以其家屬遠遁時熱甚無水軍  
士饑渴遂收兵還營○車駕次擒胡山勒銘曰瀚海爲饌  
天山爲鐸一掃胡塵永清沙漠又次清流泉勒銘曰於鑠  
六師用殲醜虜山高水清永彰我武旣而軍士乏食上



令以御膳所儲糧鈔散給之。且下令凡軍中糧鈔多者，許借貸回京倍酬其直。三軍乃獲全濟。上在軍中，每日暮猶未食，中官請進膳。上曰：「軍士未食，朕何忍獨先飽？」遂開平宴勞軍士。上曰：「朕在塞外，久素食，非乏肉也。但念士卒艱難，朕雖食之，豈能甘味，故寧已之。」

七月，車駕至北京。○上聞周王禩於國中作殿奉祀太祖、高皇帝，賜之書曰：「禮，支子不祭皇祖。王國廟祀則肇於始，封之王若太祖之祀，朝廷自有宗廟。王今祀於國中，併矣。孔子曰：『祭之以禮，若不得爲而爲之，不可爲孝。』王其審禮而行，毋貽物議。」

八月寧海侯何福有罪自殺。福從征沙漠。數違節度。都察院劾奏之。福懼。自縊死。○長沙妖人作亂。皇太子命豐城侯李彬率兵討之。

十月 上還南京。○務本之訓書成。先是 上以皇長孫生長深宮。未知稼穡艱難。因巡行北京。以侍行。使周行村落。歷觀民情風俗。及田野農桑勞苦之事。俾知國用所資。皆出于此。爲民上者。宜加憫恤。且舉 太祖皇帝創業之難。及往古聖賢之君。昏亂之主。興亡得失。可爲鑒戒者。以致飭勵之意。書成。名曰務本之訓。

我太祖教諭太子。必命編歷農家觀其居處服食器用。使知農之勞苦。成祖教太孫淳得 太祖心法。昔

南高宗爲太子時其父小乙嘗使久居民間與小民出入同事卽此意也至于洪武末命選秀才隨春坊官分班入直近前說民間利害田里稼穡等事其次也予聖神繼作教諭太子宜法二聖

擢江西按察副使顧佐爲應天府尹

佐河南太康人剛毅不撓吏民畏服熱成爲之飲手威望赫然議者比之包孝肅云

十二月 上諭寒義曰御史國之司直必有學識達治體廉正不阿乃可任之前以刀筆吏爲之知利不知義知刻薄不知大體前之由吏爲御史者爾吏部悉罷之繼今風憲更不得用吏著爲令

辛卯 永樂九年

正月命英國公張輔總兵復往交趾會合黔國公沐晟勦

魏統之序  
不能已已

捕叛寇先是陳季擴等上表請降上許以爲交趾布政  
司其黨鄧景異等皆授以官季擴中懷反復不受命放兵  
劫掠官軍不能制上以輔爲交人所憚故仍命總師往  
征之○勅戒秦王朝廷屢遣人齎符至王國王不出迎但  
命內豎取入及出見使者又侮慢不恭上命械其長史  
紀善典儀等官送京師仍勉王自今勤學問庶幾寡過○  
督罕提吉兒女直野人頭目馬吉你等來朝授督罕河衛  
令馬吉你爲指揮餘爲千百戶鎮撫賜詔印冠帶襲衣及  
鈔幣有差上諭胡廣等曰朕非欲併其土地蓋以此輩  
自昔擾邊至宋歲賂金幣卒爲大患今既來朝從所欲授

一官量給賜資損小費以弭重患亦不得不然。○詔赦交趾軍民罪犯諸所課稅停徵三年。

二月命工部尚書宋禮等發山東丁夫開濬會通河。

按會通河故元運河也。元都於燕。漕運江南糧有二道。海道用朱清張瑄策。由蘇州太湖入海。至直沽入京。歲運至三百餘萬石。然風濤不測。損失頗多。又因胥張尹韓仲輝言。自東平州安民山開河。北至臨清。二百五十里。引汶絕濟直屬御河。即今衛河。是開河三十有一。以節蓄決。因名會通河。當時河道初開。岸狹水淺。不能負重。載每歲運不過數十萬石。不若海運之多也。故終元之世。海運不廢。因例洪武初。會通河故道猶在。至洪武二十四年。河決原武。漫過安山湖。而會通河遂淤。自是南運舟楫不通。而立陸路。迤邐運所。後來者悉由至德州下河。永樂初。建北京。立運法。自海運者。雖元人之舊。由直沽達京。自河運者。由江入淮。由淮入黃河。至于陽武。陸費耗財。溺舟不可勝數。官民皆畏之。至是濟寧州同

如醫入冥  
心內風周  
身脈絡了  
然在三指  
之際故用  
此無不效

知潘叔正建言舊會通河四百五十餘里其淤塞者三  
之浚而通之非惟山東之民免淹運之勞實國家無  
窮之利朝廷從之遂命宋禮及刑部侍郎金純都督周  
長發山東六郡丁夫十餘萬開濬以復故道禮用老人  
白瑛計築壩於汶上縣之戴村橫亘五里過汶勿東流  
令盡出於南旺至分水龍王廟分爲二水四分南流以  
接徐浦六分北流以達臨清又跨元舊相地勢高下以  
增水閘以時啓閉便蓄洩自分水至臨清地降九十尺  
爲閘十有七而達于漳卽南至沽頭地降百十有六尺  
爲閘二十有一而達于河淮自是河成根運便利京儲  
充足禮等治河畢還京師命禮部定賞格禮第一禮言  
會通河以汶泗爲源夏秋霖潦泛溢則馬常泊之流亦  
入焉汶泗合流至濟寧分爲二一入徐州一入臨清河  
流深淺舟楫通塞係乎泊水之消長泊水夏秋存餘冬  
春不足非經理河源及引別水以益之必有淺澁之患  
今汶河上流自寧陽縣開已築壩堰使其水盡入新河  
東平州之東境有沙河一道本汶河支流流至十里口通  
馬常泊北年流沙淤塞河口宜趁時開濬況沙河至十  
里口故道具存不必施工河口富廣者

三月廷試進士、賜蕭時中、苗衷、黃賜及第、出身有差、先是、以車駕在北京、故至是始廷試、○左都御史陳瑛以罪下獄死、藉其家、瑛初有寵、凡所舉劾、上無不允、以是恣肆羅織、凡逮事建文諸臣、得罪深重、瑛與有力焉、旣而給事中耿通等劾瑛誣陷職官、中允劉子春劾其方命廢事、

皇太子皆宥之、至是

聖明

上聞其奉職無狀、乃坐罪下獄死

之○濟河南黃河故道、先是河水累歲爲患、修築隄防、民用困弊、至河決、大壞民田、事聞、遣工部侍郎張信往視、信訪得祥符縣魚王口至中潞下二十餘里有舊黃河岸、與今河面平、潞而通之、俾循故道、則水勢可殺、遂繪圖以進

詔發河南丁夫十萬命興安伯徐亨工部侍郎蔣廷瓚相  
度開浚仍命尚書宋禮兼董之○鎮守大同江陰侯吳高  
言山西行都司屬衛軍士屯種者多操練者少請留其半  
操練以備不虞上諭兵部侍郎曰守備固不可單弱  
兵食不足亦難與守宜視其地險夷制多寡之數陽和留  
什之四天城朔州留什之三蔚州留什之二餘悉令屯種  
且耕且守以爲定制

祖宗屯田之制甚重其嚴後來廢弛專仰餽糈沿途數十萬里收吸待哺如之何其可也欲安邊足食經國者宜急講于屯田之說云

四月琉球國中山王思紹縱使坤宜堪彌等來貢



六月內臣鄭和等使西洋諸番國還經錫蘭山國其王亞烈苦奈兒貪暴不輯睦隣國數邀劫其往來使臣探知和舟至謀劫之和等出其不意攻破之生擒苦奈兒并家屬頭目以歸上曰蠻夷禽獸耳何足深較命禮部擇其族屬之賢者國耶巴乃那立爲王并赦苦奈兒歸國○徵交趾叅政解縉下獄先是縉入奏事適上北往見皇太子而歸上還京趙王言縉瞰上遠出覲儲君無人臣禮上怒時檢討王偁亦以罪謫交趾縉偕偁趙廣東娛嬉山水且上言請用數萬人鑿漳江以便往來上大怒曰爲臣受事則引而避去乃欲勞民如此併偁俱下獄

七月、張輔至交趾、督兵敗賊黨阮師胡具、鄧景異等。于九  
真州、月常江、尋復敗黎蓋兵於福安、斬之。○滿剌加國王  
拜里遂蘇剌率其妻子及陪臣入朝。○戶部言賑北京臨  
城縣饑民三百餘戶、給糧三千七百石有奇。上曰、國家  
儲蓄、土以供國、下以濟民、故豐年則歛、凶年則散、但有土  
有民、何憂不足。隋開皇間、大旱、民饑、文帝不肯開倉賑濟、  
聽民流移就食、末歲計所積、可供五十年、倉廩雖豐、民心  
不固、煬帝無道、遂至滅亡、前鑒具在、今後但遇水旱民饑、  
卽開倉賑給、毋令失所。

九月、通政司言黃巖縣民告豪民持建文時士人包葵古

如化驗官  
令人人  
志義

所進楚王書稿與衆聚觀書中有干犯語請法司治之  
上曰此必與豪民有怨而欲報之朕初卽位命百司死建  
文中上書有干犯語言皆朕未卽位以前事悉毀之有言  
者勿行今復行之是號令不信矣况天下之主豈當念舊  
惡如唐之王魏太宗棄宿憾而信任之卒相與成治功帝  
王之度如海納百川無所不容故能成其大豈可一一追  
咎往事所告勿聽○兵科都給事中倪峻言有言兵千  
戶不待朝命輒發兵捕盜賊請治其專擅之罪上曰國  
家養兵正以除姦衛民境內盜發千戶能率衆捕之使民  
免於暴橫正是能盡其職若必待奏報而後發兵小則亡

逸大則勢張民之害多矣。

○哈密忠順王脫脫卒封免力帖木兒爲忠順王。

十月詔重修太祖高皇帝實錄以前監修總裁李景隆茹瑺等官心術不正又成於急促未極精詳故也遂命姚廣孝夏原吉監修胡廣胡儼黃淮楊榮楊士奇金幼孜爲總裁。

十一月皇長孫冠命爲皇太孫○張輔率舟師追捕陳季擴等梟賊首千五百餘人以徇餘賊散走林莽泥澤中追殺殆盡自是慈廉福安諸州縣皆平。

文皇威德  
最著此時  
失服尚爾  
不復居世  
宜何如焉

十二月遣指揮本荅哈阿升哥齎勅諭福餘朵顏恭寧三衛頭目昔兀良哈之衆數爲韃靼抄掠不安乃相率歸附誓守臣節我太祖高皇帝矜厥困窮設福餘朵顏恭寧三衛而授爾等官職俾各領其衆臣屬既久復竟叛去及朕卽位復遣人來朝朕略其舊過加意撫綏數年以來生聚蕃息朝廷於爾可爲厚矣比者爾等爲本雅失里所脅掠我邊卒又遣苦烈兒等給云市馬實行窺伺狡詐如此罪奚可容今特遣指揮本荅哈等諭意如能令悔過還所掠戍卒納馬贖罪不然發兵誅叛悔將難追○六部尚書塞義奏在外布按兩司及府州縣官職在承流宣化以撫

知此則舉  
猶甚矣

字爲職。必。須。得。人。然。得。人。之。道。在。銓。選。精。嚴。薦。舉。有。法。宜。  
令。在。京。文。職。七。品。以。上。及。近。侍。官。在。外。五。品。以。上。及。縣。正。  
官。各。舉。所。知。五。品。以。下。官。及。無。過。犯。人。民。賢。能。廉。幹。堪。任。  
牧。民。及。居。風。憲。者。一。人。吏。部。考。驗。擢。用。妄。舉。者。連。坐。上。  
命。所。司。速。行。之。○。虜。酋。阿。魯。台。遣。使。來。納。款。且。請。并。女。直。  
吐。蕃。諸。部。屬。其。約。束。上。以。問。侍。臣。多。請。許。之。黃。淮。獨。曰。  
此。虜。狼。子。野。心。使。各。爲。心。則。易。制。若。併。爲。一。則。難。圖。矣。此。  
舉。實。其。奸。謀。也。上。顧。左。右。曰。黃。淮。如。立。高。岡。無。遠。不。見。  
諸。人。如。處。平。地。所。見。惟。目。前。耳。乃。不。許。○。鑄。永。樂。通。寶。錢。  
壬。辰。永。樂。十。年。

有此一節  
益山亦在  
景仰感事

正月元宵節。賜文武羣臣宴。聽臣民赴午門外觀。鰲山三  
日。自是歲以爲常。上或御午門。示御製。使儒臣奉和。以  
爲樂。是時尚書夏原吉侍其母往觀鰲山。上聞之曰。此  
賢母也。命中官齎鈔二百錠。卽其家賜之。曰。以爲賢母。權  
也。○命徙青登萊諸郡無田民。就耕于兗州東昌定陶等  
處。蠲其役三年。○上諭蹇義等曰。守令郡邑之長。昔人每  
戒數易。蓋牧守之寄甚重。須久於其職。比聞諸司以造作  
雜務。輒差正官。意在成事之速。此俗吏不識事體。自今一  
應公務。不許擅差。守令俾專職理民。○二月會試天下舉  
人。命楊士奇。金幼孜。爲考試官。取林誌等一百人。

不自起其  
任人之非  
而計其  
負命之人  
子  
應建文之  
云也

三月廷試，賜馬鐸、林誌、王珏等進士及第。出身有差。○初，  
戶部臣曰：朕為天下主，所務安民而已。民者國之本。一民  
不得其所，朕之責也。故每歲遣人巡行郡縣，凡歲之豐歉，  
民之休戚，欲周知也。近聞河南民饑，有司不以聞，而往往  
有言穀豐者。若此欺罔，獲罪于天，此亦朕任非人之過。其  
速令河南發粟賑民。凡郡縣及朝廷所遣官目擊民饑不  
言者，悉追下獄。○上謂兵部尚書龔忠等曰：皇太孫年  
長，有智略，朕欲令學問之暇，兼講武事。歲時射獵，其選以  
間。子弟年十七至二十，勇捷有才藝者，送京師，俾充隨從。  
四月，尚書宋禮奏：近因衛河水患，命臣相度措置。臣惟自



會人于河  
 之源流開  
 地出入之  
 畢處一一  
 洞悉其故  
 而後數丁  
 之江期如  
 利肩指掌  
 無身任之  
 心圖之與  
 此生之精  
 力相副周  
 旋故可輕  
 久今人茫  
 茫土有臨  
 深而噴求  
 遠去以幸  
 免于無決  
 而已可勝  
 何哉

衛輝至直沽視河岸低薄非止一處若不究其源析其流  
 但務修築堤岸恐水復衝塌不免展勞民力須定長久之  
 計臣看得會通河至魏家灣與土河相連宜於彼開二小  
 河以泄於土河則無漫衍之患今復視德州城西北亦可  
 開小河一道蓋自衛河岸東北至舊黃河一十三里內五  
 里舊有溝渠五里係古絡二里係平地今開通泄水以入  
 舊黃河至海豐縣大沽可入海凡四百五十七里約用軍  
 夫三千餘人十日可完上命工部候秋成後為之○選  
 驍官教民素為居永平薊州通州者就留本處教民居真  
 定定州者更番赴順天府教民令悉飲飼之宜若草息不

及於者無預

二 分 卷 四

九月工部主事蘭芳言天下之水惟河爲大故水患惟河爲甚今于中潏分導河流使由故道北入于海河南之民免于昏墊誠萬世之利然緣河新築護岸掃座止用蒲繩泥草不能堅久臣愚以爲若用竹編成大囤若欄圍然置之水中以椿木釘中實以石脚以橫木貫于椿表築堤上則水可以殺堤可以固而河患可息從之尋擢蘭芳爲工部右侍郎

芳山西人洪武中舉孝廉授刑部員外上卽位擢吉安知府先是金華朱大智爲吉安知府克厚廉潔刻事吏弊禮賢愛民改知重慶府民思慕之而難其繼者已而芳至芳克厚持大體更習吏事民有告訐者數語立

兩拜

書殺無罪  
也者官在  
之也

決吏無所容其奸尤以愛民為心處事曲當民更大喜  
自奉儉約事母極孝母亦善教凡芳日所行事夕則余  
陳于前存未善必責之芳謹受教不違尋生事請為錄  
事官從尚書宋禮治河果有建明遂工部主事至是禮  
復薦其才能超陞侍郎吉安自芳  
去其民思慕賢守必曰朱蘇云

瓦刺馬哈木滅本雅失里立荅里巴○殺浙江按察使周

新

折廣東南海人初舉鄉薦為御史彈劾敗言貴戚畏之  
京師人稱為冷面寒鐵上亦知其名巡按福建及北  
京所奏諸無不從擢雲南按察使改浙江有冤民淹聚  
聞之喜曰冷面寒鐵公來吾無患矣及至洗其冤放之  
自後異政日著一日視事忽旋風吹黑葉至前左右言  
城中無此木獨一古寺有之去城差遠折僞曰此必寺  
僧殺人埋其下也竟掘得屍矣葬之得婦人屍簡即款  
服初來時道上蟻蚋過馬首而聚使人尾之得一暴屍  
置小木布記在取之反至任令人市布得印誌者鞠之  
印持布尚賦也始以其賦召布商家給之家人大驚始



正當江流衝會海舟停泊之所無大山高嶼可以依據漕舟於此或值風濤觸堅膠淺輒致傾覆乞於縣之青浦築土爲山立墩表議從之命有司徵軍夫命瑄督其役仍勅俟農隙爲之至是成方百丈高三十餘丈賜名寶山上親製碑文記之○命皇太孫演武于方山

十一月命自今武官子弟襲職者循洪武比試故事○老的罕叛數入赤斤蒙古衛爲寇上以楊榮曉暢軍旅命至陝西會豐城侯李彬議進兵方畧是冬榮還言出嘉峪關千里險阨乏水草餉道不能通又沍寒士馬疲瘠不可輒用兵罷中國彼小醜當自來歸上從之未幾老的罕

快論

成祖英武  
可以駕馭  
若守成之  
主則恭言  
便未耳

復降○洮州衛所鎮撫陳恭上言侍衛防禁宜嚴外夷異  
類之人不宜置左右玄宗幾喪唐室徽欽幾絕宋祚夷狄  
之患可爲明鑒上曰所言禁衛宜嚴甚是但天之生才  
何地無之爲君用人但當明其賢否不當分別彼此其人  
果賢則信任之不賢雖至親亦不可用漢武帝用金日磾  
唐太宗用阿史那衽爾蓋知其人之賢也若玄宗寵任安  
祿山致播遷之禍正是不能知人宋徽宗自是寵任小人  
以致夷狄之禍不因用夷狄之人也春秋之法夷而入於  
中國則中國之朕爲天下主覆載之內但有賢才用之不  
弃近世胡元分別彼此柄用蒙古韃靼而外漢人南人以

至滅亡豈非明鑒。禮部尚書呂震請加恭妄言罪。上曰：恭之心本是忠朝廷，但未深思耳。豈可罪之。朕嘗語卿等言事之人，或有乖謬，亦當容之。若加之罪，則言路塞而人君無由得聞善道矣。爾爲大臣有此言，不忠。

癸巳 永樂十一年

正月辛巳朔日有食之。詔免賀。及宴，先是鴻臚寺奏習正旦賀儀。上召禮部翰林院官問曰：正旦日食，百官賀禮可行乎？尚書呂震對曰：日食與朝賀之時先後不相妨。侍郎儀智曰：終是同日，免賀爲當。楊士奇曰：日食天變之大者，前代元正日食多不受賀。宋仁宗時元旦日食，當弭請。

宰相須用  
讀書人

聖主無成  
必

罷宴教樂。呂夷簡不從。弼曰：「萬一契丹行之，爲中國羞。後有自契丹回者，言虜是日罷宴，仁宗深悔，今免賀，誠當上從之。」○弛齊黃奸黨之禁，翰林庶吉士錢習禮、江西吉人與練子寧有姻連，先是連治奸黨，習禮偶獲免，然恒爲鄉人所持，習禮不自安，以告學士楊榮。榮乘間以聞。上欣然曰：「使練子寧今日在此，朕固當用之。况習禮乎？」即日下令禁止。○上巡幸北京，皇太孫從，命尚書蹇義、學士黃淮、諭德楊士奇及流馬楊海輔。皇太子監國。○始置貴州布政司及思州等府，以工部侍郎蔣廷瓚爲左布政使。按洪武中止設貴州、思南府宣撫、宣慰司，管束土民，及設都指揮使司，鎮守其地。既而思南宣慰使田宗興與



思州宣慰使田瑛數相攻伐抗拒朝命乃勅鎮遠侯顧  
成以兵討而誅之命戶部左侍郎夏原吉等以思州所  
轄二十二長官司分設思州新化黎平思南四府思  
南所轄十七長官司分設思南鎮遠銀仁烏羅四府  
五月五日上幸東苑觀擊毬射柳聽文武羣臣四夷朝  
使及在京耆老聚觀自皇太孫而下諸王羣臣以大擊  
射皇太孫擊射連發皆中上大喜射畢上曰今日  
華夷畢集朕有一言爾當思對之曰萬方玉帛風雲會  
皇太孫卽叩頭對曰一統山河日月明上喜大宴羣臣  
命儒臣盡歡而罷○山東曹縣獻騶虞呂震請率羣臣上  
表賀不許震固請上曰大臣之道當務爲國爲民汝能  
效李沆所爲則善矣震退上顧侍臣曰震可謂不學無

者也。○上命禮部侍郎儀智侍皇太孫講讀。先是上

命吏部翰林院簡擇老成正大儒者侍皇太孫。容義楊

士奇共舉智。上喜曰：「得之矣！」此人雖老，識朝廷大體，能

直言不阿。向之元正日食，呂震等皆欲行賀禮，惟此老與

楊士奇言免賀，是朕從之，智可用。

智，山東高密人，溫重端慈，出教官累遷今職，遇事務別白，是非不少附會。既而智以年老薦其同鄉訓導蘇倫

卽權爲禮科給事中，侍從授經。

七月，封韃靼太師阿魯爲和寧王，母妻皆封夫人，賜金

帛，仍居漠北。○遣吏部員外郎陳誠偕中官李達使西域

諸國。

十一月瓦剌馬哈木太平把禿字羅三首叛○以野蠻綠  
衾命皇太子奉薦太廟先是山東民有獻野蠻繭絲者  
羣臣奏賀瑞應上曰此祖宗所祐也特命織帛染拓黃  
製衾以薦

交趾復平

十二月張輔等大敗賊兵於愛子江獲陳季擴及其將潘  
經等檻送京師交趾復平

甲午 永樂十二年

二月上朝退坐右順門所服裏衣袖敝垢納而復出侍  
臣有贊聖德者上歎曰朕雖日十易新衣未嘗無但  
每日自念當惜福故每浣濯更進昔皇妣躬補葺故衣

三字爲十  
清華言

皇考見而喜曰。皇后居富貴如此勤儉。正可以爲子孫法。故朕嘗守先訓不敢忘。侍臣頌首曰。陛下如此恭儉。乃誠萬世之法。○詔親征。瓦剌命安遠侯柳升領大營。武安侯鄭亨領中軍。寧陽侯陳懋。豐城侯李彬。領左右哨。成山侯王通。都督譚清。領左右掖。都督劉江。朱榮等爲前鋒。三月庚辰。車駕發北京。命皇太孫從行。上謂侍臣胡廣。楊榮。金幼孜曰。朕長孫聰明英睿。智勇過人。今令侍行。俾知用兵之法。且使躬歷行陣。知將士勞苦。然文事武備。不可偏廢。營中稍閒。爾等卽以經史于長孫前講說。庶幾有益。

成祖訓  
皆推子  
之所學  
古語而  
切

五月駐蹕楊林。上閱武之暇。皇太孫侍。語及創業守成之難。上曰。前代帝王。多有生長深宮。狃於富貴安逸。不通古今。不識民艱。於經國之務。懵然弗究。而至於亡者。朕常以之爲戒。汝將來有嗣統之責。須勉力學問。於凡天下之事。不可不周知。人之艱難。不可不涉歷。聞見廣而涉歷多。自然心習開豁。於萬幾之來。皆有以處之。而不差矣。如此。不惟不負祖宗之付託。亦有福澤被及下人。勉之勉之。

六月。駕至撒里哈兒之地。馬哈木及太平把禿等。率衆逆我軍。發神機銃炮擊敗之。虜死者數百人。追至土刺

河復大敗之殺其酋長十餘人擒斬虜無算馬哈木等乘  
夜北遁遂班師還至飲馬河阿魯台遣頭目鎖住等來朝  
言阿魯台有疾不能造朝上遣使賜之米百石驢百匹  
羊百牽別賜其部屬米五千石慰撫甚厚

其絕塞而遁則弗窮追法抵前武不追矣  
阿魯台有疾遣使來朝雖未知其誠否而賞賚并及其  
部下其所請招小惠以州重惠也聖慮簡已達已

八月車駕還北京○陳季擴伏誅

九月令支運轉漕

制以蘇州并山東兗州棣州棣州濟寧倉河南山東糧輸  
臨清而沿江諸府州縣糧道並淮南直隸衛所官軍于運  
安運抵徐州京衛軍于徐州運抵德州各置倉收囤而  
山東河南官軍于德州運抵通州入上令淮安瓜州

不如此  
實徒

補給脚價并搬運蘆蕭耗等費凡與軍運而各  
省軍各干附近水次領充一年四次名為支運

遣逮尚書蹇義學士黃淮論德楊士奇洗馬楊溥尚書及  
司經局正字金問等至中途有旨宥蹇義回南京黃淮等  
至北京並下獄尋宥楊士奇復職先是上北征回以

輔臣實失檢點

皇太子所遣使迎車駕緩且書奏失辭怒曰此輔導者之  
咎也漢王高煦復譖之遂徵義等既而義中道宥還淮先  
至下獄次日士奇及金問繼至上曰楊士奇姑宥之朕  
未嘗識金問何以得侍東宮命法司鞠之尋召士奇至前  
親問東宮事士奇叩頭言殿下孝敬誠至凡所稽遲皆臣  
等之罪乃下士奇錦衣衛獄未幾特宥復職時金問詞連

濟等遂相繼下獄。○楊萬刺國獻麒麟。

永樂中諸書進獻麒麟者三、繼獻者麻林國、阿丹國、

十月江陰侯吳高有罪、削爵爲民、

十一月晉王濟煒有罪、降爲庶人。○命儒臣纂修五經、四

書、性理大全。上諭胡廣、楊榮、金幼孜曰、五經四書皆聖

賢精義要道、其傳註之外、諸儒議論有發明餘蘊者、爾等

采其切當之言、增附于下。其周程張朱諸君子性理之言、

如太極圖、通書、西銘、正蒙之類、皆六經之羽翼、然各自爲

書、未有統會。爾等亦別類聚成書、務極精簡。庶幾以垂後

世。命廣等總其事。舉朝廷及在外教官有學者同纂修。○

○



隆興華門外未幾成之上親爲之序

乙未

永樂十三年

正月前交趾參議解縉死于錦衣衛獄徙其家于邊

按國史本傳縉籍文學書禮冠絕一時其爲人曠易無城府喜薦引士然少懷擇且所行多任情忽畧故及于罪死年四十七宋徒遠東洪熙初始令赦回天順目錄記文皇初甚愛解縉之才置之翰林縉素俊敢直言文皇欲征交趾縉謂自古羈縻之使通正朔時實貢而已若得其地不可以爲郡縣不聽仁宗居東宮時文皇甚不喜而寵漢府縉謂不宜過寵致起觀觀。文皇遂怒謂離間骨肉縉由此二諫得罪泊宣廟初漢府果反交趾亦叛悉如縉言若留于仁宣時其事業當有可觀士奇輩遠不及也。

二月會試天下貢士于北京命翰林修撰梁潛王洪爲考試官取洪英等三百五十人

愛才傳  
之至意

三月，廷試，賜陳循、李貞、陳景著等進士及第。出身有差，復命翰林院再試下第舉人，續取二十四人，並賜冠帶，給教諭俸，送國子監進學，以待後科。○時鴻臚寺無卿，寺丞張斌任事，恃守城功，最狼戾，多所中傷，人頗憚之，以不與諸卷致爭論。上前不已，御史黃宗載奏斌不學無識，不可以讀卷，乃敢煩瀆。聖聽，請伏法，士論壯之。○罷海運，敕命平江伯陳瑄於湖廣、江西造舟二千艘，以從河運。瑄奏議造平底淺船，時甚便之。歲運三百餘萬石。

四月，征夷將軍英國公張輔鎮守交趾。○兵部尚書兼詹事金忠卒。

謝曉曰。志。表。處。君。臣。父。子。兄。弟。之。間。卒。能。調。養。情。緒。以。終。其。身。此。其。心。豈。易。矣。哉。

五月開清江浦河道。時漕運北京舟至淮安過壩。渡淮以達清河。挽運甚勞。平江伯陳瑄總理漕務。故老爲瑄言。淮安城西有管家湖。自湖至淮河。鳴陳口僅二十里。與清河口相連。宜鑿河引湖水入淮。以通漕舟。瑄以上聞。遂發軍民疏清江浦。引水由管家湖入鴨陳口達淮。相宜置四閘。曰移風。曰清江。曰楊興。曰新莊。以時啓閉。復就管家湖築隄十里。以傾引舟。後儀真瓜州通湖。鑿呂梁百步二洪。石平水勢。開泰州白河。通大江。築高郵湖隄。隄內鑿渠。亘四十里。淮濱作常盈倉。五十區。貯江南輸稅。徐。臨。清。德州皆

建倉便轉輸河淺處輒膠舟濱河置舍五百六十八所舍置淺夫俾導舟緣河延鑿林木便人行。○嚴妻告奸之禁。六月有人納銀于瓜以覬刑部主事劉寧者寧妻安氏發之詔褒寧平日廉信于妻妻能佐夫以義賜白金二百兩緣幣八表裏。

九月壽陵成進封武義伯王通爲成山侯

十月吏部員外郎陳誠偕中官李達使西域還先是誠等奉命出肅州嘉谷關自哈密歷土魯番至火州亦力把力于闐撒馬兒罕哈烈以至八答商柳陳城迭里迷渴石養夷塞藍達失干沙鹿海牙凡十餘國無不遍歷宣布國家

威德既而諸國各遣使隨誠等詣闕謝出使往還凡三歷  
寒暑誠回備錄其所經山川土壤人民物產之異飲食衣  
服言語好尚之不同爲西域行程記上之詔付史館誠江  
西吉水人

選練下之  
資守闕視  
上之政教  
此二者不  
可偏廢

十一月麻林國進麒麟將至羣臣欲上表進賀不許○勅  
陝西甘肅寧夏大同遼東諸守將及河南山東山西陝西  
各都司中都留守司徐宿淮邵淮安揚州武平歸德睢陽  
潼關諸衛選所屬步騎兵遣能幹指揮千百戶統領操練  
俟赴北京閱視○瓦剌馬哈木遣使貢馬謝罪

十二月賜鎮守寧夏寧陽侯陳懋曰瓦剌使者言瓦剌馬

人所長  
不具

哈木慮阿魯台與中國和好將爲已害擬七月率衆至幹  
難河北俟冬襲阿魯台斯言雖未可信然吾邊境須有備  
蓋虜多譎惟有備斯無患矣大抵禦寇之道勿輕與戰但  
堅壁清野最上計也大同開平遼東皆如之○定北京計  
丁養馬例十五丁以下養一馬十六丁以上養二馬遷發  
爲民種田者不論丁七戶養一馬從之

丙申

永樂十四年

三月改趙王高燧封國於彰德漢王高煦於青州時高煦  
奏願常侍左右不欲之國復賜勅曰旣受藩封豈當常在  
侍下前封雲南憚遠不行與爾青州今又託故如果誠心

欲侍。去年在此。何故又欲南還。常侍之言。殆非實意。青州之命。更不可辭。○禮部郎中周訥請封禪。尚書呂震贊之。上謂震曰。今天下雖無事。然水旱疾疫。亦間有之。朕每聞郡縣上奏。未嘗不惕然于心。豈敢自謂太平之世。且聖經未嘗言封禪。魏徵每以堯舜之事望太宗。爾欲處朕於太宗之下。亦異乎徵之愛君矣。且帝王之有聞於後者。在德不在封禪。遂不許。學士胡廣作却封禪頌以獻。

四月錦衣衛指揮僉事紀綱以賣權作威。伏誅。○召交趾總兵官英國公張輔還京師。輔經營交趾前後凡十年。七月遣將練兵海上防倭。

八月作西宮、初上至北京、仍御舊宮、及是將徹而新之、乃命工部作西宮爲視朝之所、

九月初令御史巡鹽、○北京行太僕寺卿楊砥言、近日馬蕃息而少牧養之人、請令民五丁養種馬一匹、每馬十匹立羣頭一人、五十匹立羣長一人、養馬之家歲免其糧草之半、從之、令民養種馬者、二歲納駒一匹、凡種馬倒死、孳生不及數、皆令賠償、自是養馬遂爲北方民害、

十月 上還南京、

十一月、將建北京宮殿、以營建重事、命羣臣會議、於是文武羣臣上疏曰、惟北京聖上龍興之地、北枕居庸、西峙



太行東連山海、南俯中原、沃野千里、山川形勝、足以控四  
夷、制天下、誠萬世帝王之都也。比年車駕巡狩、四海會  
同、人心協和、漕運日廣、商賈輻輳、財貨充盈、良材巨木、已  
集京師、天下軍民、樂於趨事、伏乞上順天心、下從民望、早  
勅所司、興工營建、以爲子孫萬世帝王之業、天下幸甚。  
上從之。○周王橐、楚王楨、相繼來朝。例次日謁孝陵。周王  
先至、適遇節。上命東宮、皇太孫、及小皇孫陪謁。已出東  
華門。上遽召翰林臣。時楊榮、金幼孜、楊士奇皆至。上  
問曰、二王、東宮、太孫、及小皇孫謁陵、展敬之位、如何。朕意  
雖略定、三人試言之。楊金未有對。士奇對曰、周楚二王、屬

列猶前兩傍東宮殿下、列猶後、居中皇太孫亦居中。列于東宮殿下之後諸皇孫與皇太孫同班、而分列兩傍。上曰爾所言有據乎、對曰宋儒朱熹家禮大約如此。上曰吾未嘗熟家禮、但據已見書其位次、遂出片楮宸翰所書位次、正與士奇所言合。然下有六字未書、授筆命士奇足之。遂遣鴻臚丞周昇馳齋赴陵、俾率行之。○以豐城侯李彬鎮守交趾。○上最愛翰林院修撰沈度書法、稱爲我朝王羲之。命陞爲侍讀學士、其弟中書舍人沈粲爲翰林院修撰、仍令中書習其字。

十二月故吳王允燧卒。○楊士奇等奉命編輯歷代名臣

奏議書成、上覽之謂侍臣曰、致治之道、千古一揆、君能納善言、臣能盡忠不隱、天下未有不治、觀是書、足以見當時人君之量、人臣之直、為君者以前賢所言、便作今日耳、聞為大臣者、以前賢事君之心、為心、天下國家之福也、遂命刻印以賜皇太子、皇太孫及諸大臣、

丁酉 永樂十五年

二月谷王穗以謀逆削爵為庶人、

按王 太祖第十八子也、幼不好學、多習諸術、封國宣府、省慈師起、穗遁歸京師、建文君親信之、令守金川門、靖難師渡江、穗即開門迎入、上即位、待之加厚、賜養無數、改封于長沙、復除養死士、逆戰船、其隨侍部督張典、密言于上、上曰、朕待穗厚、于諸王、豈宜有此、其同母兄蜀王、嚴書戒之、穗不聽、會蜀王子崇寧王叔鐸得

罪人故去  
罪人能去

罪于父，逃德所，德諫衆曰：「建文君初不死，今已在此，豈王聞之，遂具獄其事，言德恃寵縱橫，有無君之心，策匿亡叛，造作弓弩，舟楫器械，教習兵法，戰鬪之事，私度僧千人，晝夜祈禱呪咀，與指揮張誠宜者，吳智等，日夜秘謀，殘張誠為師，尚父璲造國議，謂十八子當有天下，傳璲于入，又令巧匠製燈于上，元節獻于朝，就彈詣內府，架構偵伺動靜，又遣將士習音樂，擬獻于朝，俱應殿庭以圖間隙。」上得奏，默曰：「朕何如侍德，乃有此心，遂詔楚王等議其罪，降為庶人，德後閹戶自焚死。」

### 三月漢王高煦有罪，居之山東樂安州。

高煦所為多不法，上以其長史程琮紀善周巽等不能匡正，皆出交趾為吏。高煦僞不悛，府中有私募軍士三千餘人，不隸籍兵部，殺傷士於京城內外，劫掠支解，無罪人，投之江，殺兵馬指揮徐野驤及帶用輿輿器物，上頗聞知，還南京，以問秦義美，義美不敢對，固辭不知，又問楊士奇，對曰：「漢王始封國雲南，不肯行，復改青州，又堅不行，今知朝廷將徙都北京，惟欲留守南京，此其心路人知之。」惟陛下蚤善處置，使有定所用，全父子之恩。

以貽永世之利。上默然後數日。上復得高煦私造兵器陰養死士招納亡命及燕皮馬船教習水戰等事。上大怒召至京詰之。疏其大罪繫之西華門內。皇太子急為教解乃免。上器待若日。若此所為將來必不靜。今創兩畿衛處之山東樂安州去北京甚遠。如其作亂。可朝發而夕擒之。

上巡北京命吏部尚書兼詹事塞義翰林學士兼諭德楊士奇侍讀兼贊善梁潛輔皇太子監國。

四月頒五經四書性理大全於兩京六部及國子監天下郡縣學。

閏五月遣文武大臣分道經理漕運。

七月冊皇太孫妃胡氏。○西洋蘇祿國東王西王峒王各率其妻子頭目來朝。○瓦剌順寧王馬哈木死以其子

脫歡襲封順寧王

九月修孔子廟訖工。上親製碑文刻石。○遣禮部員外郎呂淵等使日本。時捕倭將士擒寇數十人獻京師。賊首皆日本人。上乃遣淵賜勅切責之。

十一月癸丑建北京奉天殿乾清宮。越六日己未督工奉寧侯陳珪右都督薛祿等奏二處俱現五色瑞光慶雲瑞霽綢繆流動爛徹雲霄庚申金水河水凝異瑞。瞭具前象至巳巳卿雲呈彩五色輪囷變化卷舒。彌滿殿間卿雲內又出五色瑞光圓圓如日正當御座巳而西度宮苑映上今所御殿終日不收官軍人等衆目共睹於是禮部率

羣臣上表稱賀。○工部右侍郎蘭芳卒。

戊戌。永樂十六年。

正月。上以玄兔圖并群臣所上表及詩文賜皇太子。以書諭曰。陝西耀州民獻玄兔。羣臣以爲瑞。且謂朕德所致。上表稱賀。又有獻詩頌美者。朕心惕然愧之。夫賢君能敬天恤民。致勤於理。則有以感召和氣。屢致豐年。海宇清明。生民樂業。此國家之瑞也。彼一物之異。常理有之。且吾豈不自知。今雖邊鄙無事。而郡縣水旱。往往有之。流徙之民。亦未嘗無。豈至理之時哉。而一兔之異。喋喋爲諛。夫好直言則德日廣。好諛言則過日增。爾將來有宗社生民之

冊

寄。率下有言。不可不審之於理。但觀此表及書。卽理瞭然。而懷不能遁矣。○交趾清化府。俄樂縣土官巡檢黎利叛。總兵官豐城侯李彬遣都督朱廣討之。利敗走。

按利初從平懷反。克僞金吾將軍。後束身歸降。以爲選檢。然中懷反側。至是始露。平定王以弟黎石爲僞相。國段莽爲僞都督。聚衆劫掠。廣在討賊之擒。斬數百人。利遁去。

陳建曰。張英國召還而黎利孽作。交趾自茲忼惺矣。愚謂當時只合交趾既平。仍命英國公鎮守之。爲得策。如洪武中沐英既平雲南。即命沐英守之。英歿。仍命沐之子若孫世守之。然後諸夷率服。而雲南爲吾中國有也。何也。西南夷之所畏服者。惟沐氏。非它將所能鎮壓也。今交人所畏服。就有驗于英國者乎。交南三叛。非英國總師弗平。英國三召還。而叛亂俱不旋踵復作。夫交人所畏惟英國。視它將同蔑如也。使英國久鎮于茲焉。餘威張乎殊俗。歷二三代後。庶幾世變。屢移而交南長爲吾中國藩服。與雲南齒矣。奈何失此一機。遂使二十二



州郡士民復論異域不得與雲  
南同治聖化也可勝惜哉

二月行在會試天下舉人以侍讀學士曾榮侍講王英爲  
考試官取董璘等二百五十人

三月廷試賜李騏

騏初名馬  
上改之

劉江鄧珍等進士及第出身

有差○太子少師姚廣孝卒追封榮國公諡恭靖廣孝嘗  
著道餘錄深詆程朱識者非之○皇太子手書賜贊善徐  
善述曰今晨覽卿爲余所改之詩甚丰采清雅真有益于  
日新但今卿年邁輔余爲勞似卿朴直苦口者百無一二  
而諛順顏者比比有之卿毋憚勞弼成余業惟樂治之日  
甚一日毋務犯鱗觸諱之慮余欲學作表卿可一如詩題

虞

立例其詩題與表題間日封進以廣琢磨春暖順時作息以慰余懷指不多及書曰皇太子致書贊善好古先生好古善述字也皇太子監國視朝之暇專意文字手不釋卷被服寬博大類儒者嘗冬至賜徐善述詩云清朝盛文治輔德資者儒念彼筋力倦趨朝諒非宜賦詩有佳致納誨有良規起予得深趣歡懷浩無涯新陽屆初復況此承平時酌勞有尊酒庶以勞期頤○初令民運

五月尚書夏原吉學士楊榮等重修太祖高皇帝實錄成上之共二百五十七卷計二百五十七冊又實訓十五卷計十五冊○殺贊善梁潛司諷周冕時皇太子監國

上不時有疾，兩軍距隔數千里，小人陰附漢府者，幾構百端，侍從監國之臣，朝夕惴惴，人不自保。會有陳千戶者，擅取民財，事覺，皇太子令謫交趾立功數日，復念其軍功，宥之，有譖千戶曰：「初，上所謫罪人，皇太子曲宥之矣。」遂逮陳千戶殺之，以潛疑預聞而不諫止，併逮下獄，皆死。○文淵閣大學士胡廣卒，贈禮部尚書謚文穆。

建曰：廣居官純厚，自處泊然，然皆之骨鯁，一味逢迎承順而已。是故在建文朝則封策斥親藩，在永樂朝則聖孝瑞應有頌，却封禪有頌，無非迎上所好以爲榮。說也，故終身忍寵無一日纖介之憂，其沒也復官其子，種爲翰林檢討，廣與楊士奇同鄉同官，相善，廣病篤時，有人投詩假士奇作云：「漢朝胡廣號中庸，今日中庸又見公，可惜天生兩好完。」天教名姓正相同，誠之切矣。

公論可畏

項綴錄記、文廟渡江時解胡金、三先生、與楊文貞、周  
是修、穆同死、于難、既而解使人視、初動靜、見胡方問家  
人、問者不、解聞而笑曰、一賭為不肯捨、况肯捨性命、云  
初、昔無意于死也、惟是修竟行其志、○雙鬼、虞抄記、云  
初、解縉、胡廣、侍燕、文淵閣、文皇曰、縉、廣、少同業、任同  
官、縉業已有子、廣宜妻之以女、廣辭、首曰、臣妻有娠、未  
上男女、上曰、定生女、勿疑矣、越數月、廣妻果生女、遂  
訂盟、縉子、勳、亮、既而縉遭讒、死、舉家成邊、欲使女改適  
女、竊入室、以刀截耳、家人覺而殺之、血被兩頰、且言曰、  
薄命之婦、皇上主之、父面求之、一與之盟、終身不改  
况、昔主違父、何用生焉、越數年、解氏家省、縉亮歸、女卒  
歸、解氏事姑徐氏、尤極孝謹、果有此貞女、然建文罹為  
狀元、弃之若弁髦、何  
耶、無亦愧其女耶、

六月詔纂修天下郡縣志書、命尚書夏原吉、學士楊榮、金  
幼孜、總之、後未及成書而罷、○遣禮部左侍郎胡濙、巡江  
浙諸郡、陞辭、上面諭曰、人言東宮所行多失、當至南京、

可多留數日。試觀何如。密奏來書奏字須大。晚至。即就好。  
觀也。漢至南京。日隨朝。凡所見。東官所行之事。退即記。  
之。如一日趨朝。勅臣某者語。諱侍衛提之。仍常陞口奏。有。  
肯不問。既退。卽宣侍衛者賞鈔若干錠。于是羣臣皆言。不。  
顯責大臣。而旌禁衛。所以寬其罪。而愧其心。見。殿下之。  
仁明也。任稍久。鄰居楊學士士奇曰。公命使也。宜亟行。淡。  
權辭謝之曰。錦衣數種未完耳。至安慶。始書奏。以所見皆。  
誠敬孝謹七事密奏以聞。上覽之大悅。自是不復疑。○  
擢吏科都給事中。陳諤爲順天府尹。

諤廣東番禺人。初拜刑科給事中。遇事剛果。彈劾不避。  
權要。嘗奏事。聲響甚大。聽者悚然。上令餓之數日。奏。

到底不為  
時所容

封和簡乃曰是天生也。無見呼為大星秀才云。嘗以直諫窮禁。上大怒。命為坎壈之。其頃不死。遂釋還職。守陞吏科都給事中。一日率同列奏事。忤旨。落職。罰使修葺象房。同事者先畢工。降職去。謫貧不能倩人。乃躬自為之。值駕至。上問治屋者誰也。謫前伏陳其故。上念謫窮。且憐其貧。命復官。癸巳春。命署通政司事。逾年署應天府。未幾。又署刑部。丙申夏。又移署鴻臚寺。明年冬。又改署工部。所至具有聲績。至是陞順天府尹。政尚嚴明。有漢張趙風。亡何。竟坐事出為湖廣按察使。復貶知海鹽縣。終鎮江府同知。謫為人剛介。然賦性恢謔。當被瘴時。歎息謂其人口。吾今日乃為大難所苦。問其故。即馬之曰。咄嗟。汝不知耶。朝廷瘴人。當以善令速死耳。瘞者如其言。遂得屈伸不死云。

楊士奇進周易本義前。皇太子命士奇纂周易。朱氏本義要旨為一編。既進。名曰周易直指。士奇進曰。周易固為卜筮作。然文王周孔象象十翼之辭。凡修齊治平。為君為

臣之道悉具續編集以進用簡閱覽從之至是輯成以進  
皇太子覽之大喜因名曰周易本義

七月日本酋源義遣使朝貢謝罪

十一月亦力把力歪思弒其王納里失只罕而自立○申  
嚴官吏犯賊之禁

十二月勅修武當山宮觀成賜名曰太嶽太和之山

按山上七十二峯二十六岩二十四洞峯之最髙者曰天柱境之最勝者曰紫霄南岩上軼群氣下臨絕壑舊皆有宮爲祀神祝釐之所元季兵燹至是悉新建之紫霄曰太玄紫霄宮南岩曰大聖南岩宮又有興聖五龍宮玄天玉虛宮遇真宮清微宮淨樂宮又即天柱峯頂治鐫爲殿飾以黃金範真武像於中選道士二百人供酒脯給田二百七十七頃并耕戶以贍之每宮設提點一人秩正六品

巳亥 永樂十七年

夏鎮守遼東左都督劉江大破倭寇于望海場封江爲廣  
寧伯江初至遼東巡視諸島相地形勢請于金州衛金線  
島西北之望海場築城堡立烟臺瞭望蓋其地特高可望  
諸島寇所必由實爲濱海襟喉之地一日瞭者言寇將至  
江亟遣馬步官軍赴場上小堡備之翌日倭賊二千餘乘  
海艚直逼場下作蛇陣以進一賊貌甚醜惡揮兵而前江  
令騎師秣馬略不爲意以都指揮徐剛伏兵于山下百戶  
姜隆帥壯士潛燒賊船截其歸路乃與之約曰旗舉砲鳴  
伏兵奮擊不用命者以軍法從事既而賊至場下江拔



作真武狀舉旗鳴砲伏兵盡起繼以兩翼而進賊衆大敗奔櫻桃園空堡內我師追而圍之將士皆奮勇請入堡剿殺不許特開西壁以縱之仍分兩翼夾攻生擒數百斬首千餘間有潛脫而走艚者又爲隆等所縛無一人得脫事聞上勅賜褒美封江廣寧伯食祿一千二百石子孫世襲將士有功者陞賚有差自是倭寇不敢出沒海上屏息數十年

王世貞曰遼東破倭之捷莫重于廣寧伯蓋忠武劉榮遼東志以爲劉江水東曰劉其子而終其姓名或之國史蓋榮父名江字千成仍其父名補伍累功至右都督當奏捷之日尚名江及封伯而後具其事始改名榮也唐拾遺子美之後杜德琮者出家崇山自食其力水耕火

種兩股皆有日炙痕博通內外典素不出山教化人罕知之有中官使汴廉得其名還奏于朝適西番進一僧至言三教九流無不通徹堪爲中國王者師上不悅曰堂堂天朝豈無一人可當之詔徵德琮至賜金襴袈裟銀鉢五明旦普召衆僧各坐高几辯對其僧談吐出入九經滔滔如注水琮訥于應對衆初疑之有頃忽問胡僧諸字何義胡僧應稍遲琮乃大聲訓解鳩大藏採儒書歷示以字學之義曰此而不知焉用稱學胡僧羞恚頂禮歎服辭去上喜召入賜坐即日授左善世爲作室鷄鳴山以爲修葺之所年五十七說偈示寂詔起塋于山之陰賜御祭者三

卷之上古  
卷末有

○初山西行都司軍士採石青於沙澤州舊塘用土築而  
所得甚少忽見青蛇隨所往二百餘步夫役發其下得石  
青加倍其色視舊塘產者益鮮明至是都指揮李謙繪圖  
以進

七月御製佛曲成併刊佛經以傳九月十二日欽頒佛經  
至大報恩寺當日夜本寺塔見舍利光如寶珠十三日現  
五色毫光卿雲捧日千佛觀音菩薩羅漢妙相畢集續頒  
佛曲至淮安給散又見五色圓光彩雲滿天雲中見菩薩  
羅漢天花寶塔龍鳳獅象又有紅鳥白鶴盤旋飛繞續又  
命尚書呂震都御史王彰齋捧諸佛世尊如來菩薩尊者

上  
下  
分  
好  
者

從  
古  
所  
無

稱歌曲往陝西河南頒給神明協應屢現卿雲圓光寶塔  
之祥文武羣臣上表稱賀上甚嘉悅中官因是益重佛  
禮僧建立梵刹以祈福者遍兩京城內外云

九月列仙傳成上親製序文

十二月學士楊榮疏言十事皆指斥府部法司積弊上  
覽而嘉之密諭榮曰汝言實切時弊但卿爲腹心之臣若  
進此言恐羣臣亦相猜疑不若使慎密御史言之于是得  
監察御史鄧真昇入奏衆皆股慄免冠請罪詔諸司卽日  
懷陳怙終者不赦○頒爲善陰陽孝順事實二書于天下  
學校先是上命儒臣輯錄古今載籍所記爲善陰陽之

事可以垂勸者得百六十五人、尋復輯古今孝順之事、可  
以垂教者得二百七人、上於各條之下、親爲論斷、并系  
以詩、各次爲十卷、上親爲之序、旣成、編頒之、臣曰自古國家盛衰存亡未有不係於武備之張弛漢唐上勅武  
臣曰自古國家盛衰存亡、未有不係於武備之張弛、漢唐  
世遠姑置不言、近代宋太祖太宗、將勇兵強、削除暴亂、四  
海宴然、及其子孫弗率、武備不修、醜虜僭竊、馴至海內分  
列、宗社丘墟、元世祖時、戍部嚴整、甲兵強盛、天下寧謐、傳  
至數世、嗣主荒淫、軍政廢弛、羣雄並作、竟至覆亡、我皇  
考太祖高皇帝、受天命、定天下、于時將帥效勞、士卒奮勇、  
肅清奸宄、遂建洪業、朕嗣位以來、夙夜惕勵、惟恐蹈宋元

覆轍以墜丕緒。爾等世有爵祿。與國家同休戚者。修飭武備。爲國爪牙。此爾等之責。所宜夙夜寃心。用副倚注。而比來紀律廢弛。隊伍空虛。軍士逃亡。悉付不問。甚至通同有司。受賊資放。取回軍。明有程限。今縱其在外。或五六年。或十餘年。不回。及所取回軍。十無一二。猝有緩急。何以應調。武備若此。國何賴焉。是皆爾等下不恤軍。上不忠國。所致。自今宜鑒古人之得失。體國家之委任。修職務。撫士卒。實軍伍。繕器械。使兵政振舉。奸宄不作。朝廷有磐石之安。爾等亦永保富貴。若不遵朕言。仍蹈前失。必罪不宥。○延禧

御史黃宗載言。交趾人民新入版圖。勞來安輯。尤在

真言

得人今府州縣官多係兩廣雲南等處歲貢生員下第舉人因其願仕遠方遂授以職既乏太學教養之素又非諸司歷試之才所以牧民者不知撫字理刑者不明律意若候九年黜陟廢弛益多宜令到任二年以上者從巡按御史及布按二司嚴加考覈上其廉污能否實蹟以憑黜陟庶幾有所勸懲上從之因謂行在吏部曰守令民之師帥不得其人民受其殃前除交趾郡縣官出一時之宜今御史所言良是繼今宜慎選之